

AUXILIO NOMINIS DIVINI!

ARCHEOLOGIA PNEUMATICA,

Quam

Consensu & adprobatione Ampl.
Facult. Philosophicæ, in celeberrima
Academia Aboënsi,

SUB PRÆSIDIO

PRÆCELENTISSIMI VIRI
Dn. M. SIMONIS PAULINI,
Lingg. Græcæ & Hebrææ Profes-
soris Ordinarii, Promotoris ac Præ-
ceptoris semper colendi,

Pro consequendis MAGISTERII Philosophici
honoribus,

Publico candide Philosophantium
exameni
Submittit

MAGNUS M. NICANDER,

Wex: Smoland. Alumn. Reg.

In Auditorio Majori boris ab octava
matutinis die 20 Julii Anno 1685.

Exc.apud JOHANNEM L. WALLIUM A. T.

Doctrina ac canitie maxime conspicuo Dn.

Reverendissimo Amplissimoq;

Dn. M. JONÆ SCARINIO,

inclytæ Diœceseos Wex. Episcopo dignissimo, Consistorii Præsidi consultissimo, Gymnasi & Scholarum per totam diœcesin erectarum directori accusatiss. Patri ac Promotori nullo non obsequii ac reverentia cultu prosequendo;

Pl. Reverendo atq; Praclarissimo Viro

Dn. M. LAURENTIO MELLINO,

Civitatis Junecensis Past. graviss. territorii, quod urbi annexitur Præposito meritiss. Mecœnati pio mentis affectu colendo.

Reverendo ac Doctissimo Viro

Dn. CHRISTOPHERO SUNDENIO,

Past. in Finström & Getha bene merito, nutritio meo liberalissimo, benefactori sincerè honorando.

Reverendo nec non Doctissimo Viro

Dn. ISAACO WIDEBECKIO, past.

in Hästmanstorp & Föreby vigilantissimo, affini meo perdilecto.

Reverendo atq; Doctissimo Viro

Dn. GABRIELI SUNDENIO, de-

signato Past. in Hamerland optimè merito, fautori meo atq; amico perpetim honore prosequendo.

Dn. JONÆ WICKENBERG Dicasterii

Aboënsis Procuratori prudentissimo, Patriotæ atq; amico grata mente colendo.

Amplum licet satia & illustre divinitatis munus, Eminentissime Episcope & Promotores honorandi, in amoenissimo scientiarum viridario passim conspicatur, ubi quilibet Philosophiae particula meram spirat Majestatem & occulta celestis sapientiae Gazophylacia pandit; nescio tamen an majus appareat monumentum, quam in sancta illa sanctorum Spirituum contemplatione, qua serenie depurgata sordibus corporumq; mole liberata, jucundum animi pabulum & verum cognitionis nectar merito salutari amat. Et sicut ea pigmenta, per quae alius rebus color inducitur, maxime esse colorata solent, sic Pneumatica laude egere non potest. Enimvero Dei præpotentis imago, ab ipsis mundi cunabulis primis indita parentibus, sed Satane postea deformata maculis, pristino quasi nitori quodammodo reddit a videtur, cum relicte scintillule hujus etiam scientiae igne inflammatur, cumque relictis hisce sedibus mortaliū, mortales ēælo conjungi allaborat, purissimisq; cœlitibus associari: quō utilius & iuventius invenitur nunquam in cœlo, solo & salo. Prædicavit qvidem Anaxagoras se solis & cœli causā natum; sed animus humanus piis coitiationibus consecratus, prærupsis aethereis laustris, divinitatis intrat Palladium, ubi

composita mente spirituales capitat dapes; ubi
intima cordium penetrat tam clemens cle-
mentissimi numinis bonitas, sancta immorta-
litas, impenerabilis simplicitas, in perseruta-
bilis unitas & omnibus perfectionibus referta
vita, perennis ac infinita, castissimorumq; an-
gelorum constipata satellitio. Quis nam est, cu-
jus non vel sola argumensi tractatione, sensus
omnes sacro quasi horrore percussi sonremi-
scunt? Hinc laetis & mellis flumina! bine
jugis cœlestis sapientiae torrens exundat melli-
flus! sine murmure in aures, in ora, in inti-
ma viscerum snaviter se diffundens. Haec
meditatio est ala illa altera Platonica, qua
subiecta mens nostra & sublimis excelsaque
facta, ipsa sibi occurrit, & mancipato corpo-
ris contubernio, cum terram intra se, tum
mundanas vanitates extra se, & in se con-
temnit atque derides cum Democrito. Verum
enimvero ne quod Majestati Divine deesse
Miraculum, accense sunt magna illius mer-
itis purissimæ quedam scintillula, scilicet in
tot ordines divisus exercitus, quantum nec ora-
tione possū eloqui, nec assequiri mente. Quorum
voluntas sancta, intellectus sagax, mens cra-
sta, motus velox, natura pura, quam nullus
corporis figura delineat, nulla materia labi
infuscat, nullus corruptionis nœvus deturpa.
Adstant enim in conspectu Creatoris, Creat

rem cum nobilissimi creaturarum collaudantes, piisq; ad munia, ad obsequia procuranda propensissimi. Administratori sunt spiritus, emissi ad salutem eorum, qui regnum hereditabunt cœlorum. Ea quippe est Angelorum præstancia, ut imperfecta eorum cognitio experibilior sit, qvā aliarum terrena-
rum subtilis iudagatio. Ultimum Pneumatologie colophonem imponit magnum illud opificis miraculum anima humana, sagax ille subtilisq; spiritus, impenetrabilis divinitatis aura, Dei symbolum, Heros mundi, sapientiae asylum, Musarum propugnaculum, Orbi Universi voce decantandum, cui dotes numero innumerabiles adsignavit Plastes animalium. In illa veluti speculo clarissimo Vivas divinitatis, triumphantes Angelorum & spirantes Universorum imagines nobis coram intueri licet. Cum tanta sit sic hujus, de qua describere exorsus sum materiei sublimitas, qvid de me polliceri possum? Fugit principiorum Pneumaticorum admiranda origo, consummatæ eruditio nis viros, Ariadneis quibusdam nodis, rotū nexum celantibus, in quorum abditam naturam, quo majori nisi penetrare cogor, eō plū negotii & laboris ipsa mibi facebit argumenti consideratio, quæ vix ac ne vix quidem à me tam breviter dignè potest elaborari. Æquum proinde feras merito infelicitis Eloquentia, & parum

limatae eruditionis imperium exhibere, quam
tam vulgari cultu in publicum provocare.
Sed quod acumini deest, vestra supplet nominis
celebritas, auget auctoritas, illustrat
gravitas, quae suam quasi condecorare fron-
tem sustinet vilius nostra dissertatiuncula, pa-
trocinum ac robur cōquæstura. In primis nomi-
nis Tui, Amplissime Episcope, splendore circum-
fusa, ad eam multarum virtutum comita-
tu illustrem, licare conatur, ob decentatissi-
mam & nunquam sine laude memorandam
tuam benevolentiam, qua familia nostra ex
eo tempore, quo parens longè desideratissimus
vitam cum morte commutavit, affulsa. Sed
quid pro tot tantisq; meritis reddam? expa-
vescit omnino animus. Trado proinde me i-
psum in perpetuam clientelam, trado basru-
di adornatas Minerva, pagellas, in devotum
animi pignus. Quid si ardua inter Ecclesie
negotia occupatissimo, hora non contigerit
vacans, ut saltem nutu faventiori suscipiat,
submissè ore atq; obtestor. Trado fratum
Trigam Charissimam, mecum vulnere beati
Patris ad orbata cubilia, ad lacrymas & su-
spiria demissam, injuriis deformatam, tuo
patrocinio defendendam, tuo occursu erectam,
& postea à Te erigendam. Trado studia mea,
quibus sinum prebuisti nunquam nō apertum.
Vobis Promotores ac sanguine juncti, grata

mene

mente semper colendi, Chartaceum hoc offero
munus, quod licet exiguum, si numerum be-
nefiorum computetis; magnum, si animi gra-
ti magnitudinem respiciatis. Meo certe me-
cum pede & modulo metior, longe me im-
parem deprehendo, ad numerum meritorum
nude tantummodo referendum, ne dum ser-
mone id exornandum, quid dicam ad suffici-
entissimas gratias agendum? Verum ne one-
ri succumbam, in spem erigor, gratiam banc
mentis meae testificationem vobis haud mole-
stam fore confidens, si non specimen; at sal-
tem speciem qualemcumq; & quantum à Vobis
porro sperem, cognoscetis ipse. Vale Cele-
stium Oraculorum interpres, Musopbilorum
tutamen, & magna nostra Diocesis Episco-
pe! vitam vive consecratam ætheris sedibus
& annalium perennitati! sera sit illa dies,
qua sacrum disrumpat repagulum, quod æ-
ternum meruit gaudium! Valere seculi no-
stri columna, lucidissime Ecclesiarum stelle,
juventutum formatores, & Scholarum ful-
cra! Deum reveror Votis flagrantissimis, ut
horum laborum vacationem excipiant æter-
na requies, dulce trisagium, mæroris refri-
gerium, & gaudiorum omnium consumma-
tissimum habitaculum! Qvod vores & uestes
non sine mente manus.

M. NICANDRI.

PRÆFATIÖ:

Ingens & variis cogitationibus procellosum mare, B. L. anticipitem me, & duplii consuetoque admiratiōnis & confidentiae expositum affectui, diu verbaverat: Cum præsertim vererer quod publici speciminis loco benignæ eruditorum censuræ, exactiori mentis trutina perpendendum hic committo exercitium, parum compo verborum adparatu, minusq; polite ingenio sit elaboratum, quam ut lucem, omnigena eruditione fulgentiū aspiceret, & tot oculis se ingereret. Seculorū quippe nostrorū mores à prisca & simplici integritate tantū degenerarunt, ut laudi ducatur in vanitatum curiamaligna excogitare dictoria, fucatas glomerare facetias, & monstrosa cudere dogmata: è contrario æquum, rectum, laudabile, ingenti strepitu corrodunt, infami cavillatione traducunt, puerile, crassum, tritumque clamitantes, adeo ut in hoc mundi senio, nihil non morsibus scurrarum objectum inventatur. Olim cum virtus & literæ inæquilibrio essent, cumque camenæ fortissimi Numinis eurelæ consecratæ, sacrilegium erat, male de Musis cogitando præsumere. Nunc verò ut omnia in pejus ruunt, precarium obtinent literæ imperium, alienis territoriis subactæ. Conatum insuper meum, in hujus argumenti evolutione, non parum sufflamini.

navit inops; illa & deploranda auctorum sup-
pellex; (qvanq; multorum non extiterat
mens Principiorum Pneumaticorum naturam
separatim perstringere) accessit ad augendam
formidinem, materiæ hujus sublimitas, diffi-
culturibus non temnendis involuta, parumq;
ventilationi (quantum mihi quidem innotuit)
tradita, Qvo huic sustinendæ moli pares hu-
meros acquirerem. Hæc , inqvam , me in
perpetuam silentii legem fere obdurarunt, ut
rem potius tam sacram tacitus præteri-
rem, vel tempus paulo opportunius expecta-
rem. Confidentiam tamen sugessit Amplis-
simæ Fac. Philosophicæ, nunquam satis à me
decantandus favor, ut arduum hoc negoti-
um in meos humeros derivarem. Ad te in-
terim B. L.' tota mea spectat oratio, te oro
qvæsoq; ut his ut cunq; conjectis lineolis a-
nimum adhibeas candidum, & hanc Dispu-
tationem, cuius imaginem in brevi quasi ta-
bella conspectas, æqui boni q; consulas; sic tibi
metam & mentem, finem & scopum exponam.
I. Monstrabitur Pneumaticam esse distinctam
disciplinam. II. Illam gaudere principiis. III.
Dicetur qualia illa sint, & IV. Modus demon-
strandi per illa declarabitur. Qvæ omnia si
feliciter, qvemadmodum animus destinaverat,
exposuero, Voti mei siam compos. Interim
malignantium non formidans dentē opé Dei
exposco cœlitus, cuius favor adsit conatibus!

CAP. I.

Existentiā Spiritus & Pneumaticæ astruens.

THESIS I.

Anquam longius dissertationis pelagus nostra ingrediatur Cymba, operæ premium nos facturos existimō, si breviter & quantum instituti ratio requirit, *Spiritus*, nec non *Pneumaticæ* existentiā sub incudem examinis revocemus, ne ejus natura minus probè spectata in ignota (quod dici solet) sylva versemur. I. enim notandum est, *Pneumaticam* esse ex Disciplinis particularibus, quæ non tam suam probat existentiā, quam eam probatam aliunde sumit, nempe ex ipsa Metaphysica, quæ reliquis Disciplinis sua objecta & terminos præscribit. Vid. præfationem D.D.Calo; in Metaph. sequentia momenta *Spiritiū* invictè etiam attende quæ ostendunt.

I. *Cujus existentia ex lumine rationis est demonstrabilis, illud est cognoscibile Philosophorum, ac existentia Spiritus est talis.* E

Vide plu R.D.Jacobi Flachsenii *Pneumaticæ* pag. 61. Major est vera, Minor probatur.

Ex rerum omnium serie: voluit enim Divina bonitas, ab omni confusione abhorrens, Distinctas esse Entium classes ut æquè essent Mater-

Materialia , quam Immaterialia , simplicia
quam Composita , incorruptibilia quam
Corruptibilia : Cum simplicia sint priora
Compositis , Immaterialia Materiatis &c. De-
inde : *Omne quod est, eo ipso quo est, cognoscibile est ; Spiritus est, E.*

Major est clara , Minor probatur . Dan-
tur enim certi quidam effectus Spirituales ,
qui non possunt adscribi substantiae alicui cor-
poreae , unde necesse est , eos superiori alicui
principio suam acceptam referre originem .
Est etiam omnibus hominibus innata qua-
dam cognitio Spiritus infiniti , utpote Dei ;
hoc enim luculenter Parens Eloquentiae testa-
tur , quando dicit : Nulla gens est neq; tam im-
mansueta neq; tam fera , quæ etsi qualem
Deum habere deceat ignoret , tamen haben-
dum sciat . Cui assertioni omni humano te-
stimonio majus pondus addit Gentium Do-
ctor Paulus Rom . i : 19 . Τὸ γνῶσθαι τὸ Θεόν
Φαρεγόν εἶτιν ἐπὶ αὐτοῖς &c. Accedit etiam
experiencia , quæ testatur obsessos variis lin-
guarum formis loqui ; quæ certè operationes
nequaquam corpori possunt adscribi . Ani-
mam etiam rationalem innato quodam de-
siderio virtutis facie delectari , & vitiorum
contubernio contristari , tam notum est quam
notissimum . Quæ certè dictorum factorumq;
conscientia expectat post abitum à corpore a-
lias quasdam mansiones .

THESES II.

Confirmata sic *Spiritus* existentia, non difficile erit illam ad certum forum Philosophicum relegare & aliis argumentis omissis, duo hic potissimum urgeo:

I. *Ubi*cum, peculiare datur objectū suis principiis atq; affectionibus aliis disciplinis contradistinctum, per peculiare consimil abstractionem ad certum formale redactum, ibi dabitur peculiaris disciplina; At Pneumaticē tale datur objectum Ergo. Major probatur, tum quod intellectus noster aveat scire omnia, proindeq; omne quod est, sub aliqua disciplina contineri debet; tum quod disciplinæ, secundum omnium excellentissimorum philosophorum dogmata constituantur objectis per certam abstractionem ad certum formale redactis. vid: Calov. Minorem clarere autumo, eum Spiritus qua lumine naturæ cognoscibilis, certum, quod extra controversiam, objectum, peculiari abstractione, a materia scilicet secundum rem, ad certum formale, qua scilicet lumine naturali cognoscibilis, redactum, suis præterea principiis & affectionibus contradistinctum, ut deinceps monstrabitur, constituat.

II. Si Species Spirituiⁱ opp̄p̄sa, corpus scil. naturale peculiarem constituit disciplinam, utiq; etiam Spiritus; verum prius, ergo etiam

n posterius. Major ex eo patet quod ab exemplo argumentari liceat; præterea quibus iusis constituitur physica, ijsdem constituitur pneumatica. Minor extra controværsiam est, plura vide in pneumaticis pl: R. tq; præcl. Domini M: Jacobi Flack: S. S. Theol. professoris celeb:

Contraria argumenta diluet ov^gητης publica. & Sectio Elenctica.

C A P. II.

Existentiam principiorum pneumaticorum & eorundem necessitatem arguens.

T H E S I S. I.

Breviores hic ducendæ sunt lineæ, cum proxime satis in alia nuper habita disputatione declaravimus *Pneumaticam* propriæ dictam esse scientiam, cum per remotionem reliquorum habituum, cum ex genuinis scientiæ requisitis, atq; generali Aristotelica principiorum definitione. Nunc vero principiorum pneumaticorum existentiam & necessitatem breviter discutiemus. Ubi in limine notamus, non opus esse ut ipsius subjectum pneumaticæ *Spiritus*, habeat principia, cum illius ut illius, principia nulla dentur. Nec etiam necessum est, ut omne subjectum scientificum habeat

habeat principia. Verum nos arbitramus sufficiere, si affectiones habeant principia & causas per quas de subiecto demonstrantur: Dicit et quidem philosophorum Coripheus, in omnibus scientia principia requiri, sed non subiecti. Vid. priori. post. anal. C. 6. t. 15. Scientiam demonstrativam ex certis quibusdam ac necessariis principiis oriri. & cap. 8. t. 23. quod scire sit rem per principia Cognoscere. Unde versus vulgaris Felix qui posuit rerum cognoscere causas. Et post. C. 2. t. 15. tum demum rem scimus quando rei causam cognoscimus. item C. 7. t. 19. Scire quam ob rem res est, nihil aliud est, quam causam rei novisse. Quamvis interdum ita sic ut subiectum scientiae habeat principia essendi formalia, quemadmodum E.g. Corpus naturale quod physicae subiectum est; hoc tamen perpetuum non est, cum & alias possit æque scientia haberi: nam haec conditiones magis sunt materiales, scientiaeque non in genere, sed tali competere, proinde ad ultimum scientiae conceptum, eiusque formalem rationem, non trahendas ex Beato Thuronio idem Flah. in sua pneumatica pag. mihi 76 disputat. Nec omnis demonstratio postulat causam rigide sic dictam. Nam attributa de Deo, & passiones entis transcendentes de Ente demonstrantur; quæ tamen causam proprie dictam non agnoscunt,

ad-

suffideoq; in tali demonstratione, medium cum
majori extremo realem habet identitatem vid:
Log. Flachs. p. 937. Sic Deus quamvis nul-
lum habeat principium se ipso superius, ca-
dit tamen sub scientiam, ejusq; attributa de-
monstrantur de seipso E. g. Immortalitas de-
monstratur per immaterialitatem, æternitas
per omnimodam immutabilitatem.

THESIS II.

Dispalescit hinc ad oculum in omni pro-
prie dicta scientia dari principia, quod sit
necesses. Siquidem scientia est habitus de-
monstrativus affectionum per principia. Ubi
itaq; non sunt principia, ibi nec vera est scien-
tia. Huic sententiæ ipse philosophus suffra-
gatur in i. post: c. 3. t 25. inquiens: Sunt tria
in omni scientia necessaria: *res*, de qua aliquid
concluditur; illud ipsum, quod inesse ostendit
ur: & ipsa principia ex quibus elicetur con-
clusio. Requisita etiam principiorum hue
accommodari possunt: (α) Sunt necessaria;
Quod ex inde probatur. Quæcunq; princi-
pia gignunt demonstrationem necessariam,
adeoq; certam & infallibilem cognitionem, il-
la principia sunt necessaria, at Pneum: princi-
pia hoc faciunt, Ergo (β) Reciproca. Nam
fluunt ex subjecto & cum illo retro comme-
ant. (γ) Etiam aliquo modo immediata &
prima, ut postea fusius declaretur, (δ) Cau-
sa con-

elusionum, e. g. Si immaterialitas est causa
indivisibilitatis, & (e). priora conclusione
non tempore, attamen ratione ratiocinata
quod sufficit, (g) Sunt notiora ratione de
stinetæ cognitionis (h) Deniq; ὀικεῖα τὰς δι-
κυρμέις; nam fluunt ex ipsius subjecti na-
tura, & ordinantur ad demonstrandas conclu-
siones illius scientiæ, hinc etiam proprio no-
mine, pneumatica, dicuntur. Quanquam ha-
requisita maxime competant principiis com-
plexis, qualia autem habet pneumatica dice-
tur inferius. Ulterius argumentorū; Illatio-
nes illæ, quas obtinet pneumatica, erunt ve-
topicæ sive Dialecticæ, vel Elenchiticæ seu So-
phisticæ; vel demonstrativæ; Sed non Topi-
cæ, quia tales procedunt ex probabilitibus; nec
Sophisticas quisquam sanus dicat, à quibus
longè abhorret tam Divina disciplinarum,
Spiritui infinito & finito communis. Erunt
itaq; demonstrativæ, & per consequens per
principia cognoscendæ.

Quicquid præterea perfectionis est in habi-
tu scientiæ, id non est denegandum pneumatici-
æ, sed habere demonstrationes affectionum
de subjecto per principia demonstrativa, est
perfectio in habitu scientiæ, E. Major est cla-
ra, Minor ex priori Syllogismo confirmatur.

Ubi est vera essentia, ibi sunt veræ affectio-
nes, & per consequens principia, at in Spiritu
est

est vera essentia, E. Nam nulla vera & po-
sitiva essentia suis destituitur proprietatibus.
Quod erat demonstrandum.

C A P. III.

*Principiorum nominalem enodationem
& per illa affectionum Pneumatica-
rum demonstrationem ostendens.*

THESES I.

QUibus ita simplici stylo prænotatis, nunc
exigente connexione ordinis, nomen prin-
cipij aggredimur cum ejus enodatio principi-
um sit eruditionis, qua etiam non probè spe-
cata profundam errorum sylvam ingredi-
murus. Siquidem ὄνομά ἐστι ὅργανον θεατικὸν,
καὶ διακριτικὸν θῆτας, ὥστερ κηρὸς
ὑφάσματος. inquit plato in Cratilo. Vox
principii frequens est in Theologia, ubi variis
modis sumitur; (a) Eminenter absq; princi-
piato & dependentia, ratione simplicis origi-
nis in eadem essentia: Sic pater dicitur prin-
cipium Filii, (b) pro principio revelationis,
quod dicitur Sacra Scriptura; vel Collective
pro omni veritate Theologica prima; vide
Calov. Met. de princ. & principiato. (c) Ali-
quando idem est, quod initium, attestante
Scheiblero; Sic Filius Dei dicitur primus &
primogenitus, etsi nullus post illum nasca-
tur; plura vide apud Theologos. II, Noo-

II. *Noologicè*, pro principiis primis, tam Theoretices quam Practices, nec non Instrumentalibus, quæ vocantur κοινὰ ἔργα.

III. *Metaphysicè*, ubi principium & principia disjunctam Entis affectionem consti-
tuunt, ibiq; fusiis differentes vide Metaphysi-
cos, qui hæc in Actu signato seu in propria
sede tractant.

IV. *Physicè*, pro partibus constituentibus
corpus naturale, ceu causis internis; Sic ma-
teria & forma dicuntur principia interna.

V. *Politicè*, pro eo quod respectivè & certo
modo primum est; Quomodo Rex in regno
suo, Dominus in territorio, consul in senatu
primi dicuntur.

VI. *Mathematicè*, sic problemata, Theo-
remata & lem mata dicuntur principia.

VII. *Pneumaticè*, pro certis rationibus,
per quas affectiones pneumaticæ demonstran-
tur, prout verba Cajetani effert Svaretzius;
vid. Disp. 1. ar. 3. punct. 2. Principia incom-
plexa dupli modo intelligi possunt; i. Quod
sint veræ causæ secundum rem, aliquo modo
distinctæ ab effectibus vel proprietatibus, quæ
per illas demonstrantur. Et hujusmodi prin-
cipia vel causæ non sunt simpliciter necessariæ
ad rationem objecti, quia necessariæ non sunt
ad veras demonstrationes conficiendas, ut
constat (a) Ex posteriori. Sic Deus est ob-
jectum

jectum scibile, & de eo demonstrantur atri-
buta, non solum à posteriori & ab effectibus,
sed etiam à priori, unum ex alio colligendo,
ut immortalitatem ex immaterialitate, & esse
agens liberum, quia intelligens est. 2. alio
modo dicitur principium, seu causa id quod
est causa alterius, secundum quod objective cō-
cipiuntur & distinguntur; Et hoc genus prin-
cipii sufficit, ut sit medium demonstratio-
nis; nam sufficit ad reddendam veluti ratio-
nem formalem, ob quam talis proprietas rei
convenit. Ultima acceptio vocis nostro ar-
ridet instituto.

THESES II.

Synonymiam quod attinet; frequens hic
non occurrit, præterquam quod græcis di-
citur ἀρχὴ, latinis (ἀληθυντικῶς) **Elementa**,
Principia, **rationes**, interdum etiam **cāusæ**; Sed hoc loco non **essendi**, sed **cognoscendi** &
Virtuales intellectas volumus. Novimus al-
lias **Principium** & **Causam** ut latius & angu-
stius distingvi. Ita ut omnis causa sit prin-
cipium, sed non omne principium causa; Sic
via est principium itineris, aurora, diei, &c.

THESES III.

Etymos quod attinet; ut inverso hic pro-
cedam ordine, dicitur Principium quasi pri-
mum, rei initium,

CAP. IV.

Naturam principiorum Pneumaticorum delineans.

THESIS I.

Hilse benè pensitatis quæ veritati viam pandere solent, præmissam itaq; ὀνοματολογίας qualemcunq; evolutionem, excipit ipsa principiorum Pneumaticorum enodatio, ubi in demonstratione causam virtualem medium & principium incomplexum dicimus esse ipsam essentiam subjecti, quam alii quidditatem, alii conceptum ejus quidditativum dicunt. Aristoteles vocat τὸ πᾶν οὐσίας, item ψοιαν. Nam quodvis objectum est abundans fons & principium suarum affectionum; unde argumentor:

A quo Spiritus affectiones oriuntur & fluunt, & a quo habent vigorem essendi vel inessendi vel denominandi, id est principium affectionum illarum & causa; Sed affectiones Spiritus oriuntur & fluunt ab essentia Spiritus; E. Essentia Spiritus est principium affectionum Spiritualium.

Amplius: Per quæcunq; affectiones cognoscuntur inesse Spiritui ut Subjecto, id est principium & causa Illarum;

Sed per essentiam Spiritus affectiones
Ipsa-

*Ipse cognoscuntur inesse Spiritui, ut
Subjecto, E.*

*Essentia Spirituum est primum principi-
um & causa.*

Ratio est, inquit laudatus Auctor Flachse-
nius, quoniam affectiones Spiritus oriun-
tur & fluunt ab essentia Spiritus, E. per ean-
dem cognoscuntur ei inesse. Alius Excellens
quidam Auctor ratiocinatur.

Affectiones Pneumaticæ non sunt deterio-
ris conditionis ac sunt aliæ aliarum rerum
proprietates: aliæ autem proprietates (per-
git idem Auctor) ex essentia sui subjecti fluunt.
Quin imò de intrinseca ratione propriæ passi-
onis est oriri ex essentia subjecti. v. g. In Phy-
sica Physicus perspicit profluere ex essentia
corporis naturalis, naturales affectiones. Sic
in multis aliis.

Quanquam hæ affectiones reale discrimen
à suo subjecto admittant, cum sint accidentia,
quod in Spiritu, ut sic, nullo modo permit-
tendum.

Quod ipsum ut melius intelligatur, notetur
subjectum scientificum Pneumatices posse
tripliciter considerari 1. In se & præcisè. 2.
In ordine ad sua inferiora. 3. In ordine ad su-
as passiones & attributa.

Primo modo Spiritus non habet rationem
causæ vel principii, alias ratio causæ esset ad

seipsum, fieretq; processus in infinitum, à quo
abhorret natura. Nec respectus potest fieri ad
partiale Objecti, videlicet ad Angelos & ani-
mam separatam; Siquidem respiciendum ad
potissimum ἀναλογatorum, nihilq; dicetur in
genere, quod non verificatur de specie. Esset
etiam ἄτοπον καὶ ἀλογον, Spritum infinitum
dicere habere causam superiorem, cum sit ἀν-
αρχες. Nec secundo modo habet vel habere
potest rationem causæ, quia superius esse entiale
non est causa essendi suorum inferiorum. Sed
tertio modo Spiritus ipsiusq; essentia habet ra-
tionem causæ, scilicet in ordine ad suas affecti-
ones, quarum causa virtualis est, vide Mejeri
Pneumat. pag. 118.

THEISIS II.

Inter attributa seu affectiones Spiritus
quandoq; una est principium & causa alterius;
quia sæpe una affectio Spiritus cognoscitur
per aliam; quemadmodum e. g. immuta-
bilitas est causa perennitatis; Immunitas à
quantitate est causa indivisibilitatis; Cogno-
tio enim Spiritum esse indivisibilem, per hoc,
quod expers sit quantitatis. Nam quicquid
est expers quantitatis, illud est indivisible,
Spiritus est expers quantitatis, E.

Nam differente eodem laudato Flachsenio
in Pneumaticis pag. 78. Intellectus noster u-
nam concipit præ alia. Pergit idem Auctor.

Demon-

Demonstratio hæc non dicitur à priori, propterea quod principium demonstrationis, hic sit prius affectione demonstrabili secundum ordinem naturæ, rigorosè loquendo: Possunt enim subjectum, principium & affectio, ut realiter idem esse, ita etiam nostra simuli: Sed dicitur à priori; quia saltem in ordine nostræ cognitionis, principium demonstrationis apprehenditur tanquam antegrediens affectionem, vel tanquam aliquid ipsâ prius: Quia prius est in concipiendo, quam affectio.

THESIS III.

In Pneumatica dantur etiam principia complexa, ut sunt propositiones Pneumaticæ, quæ sunt causæ conclusionum Pneumaticarum. E.g. Immunitas à quantitate & incorruptibilitate sunt affectiones Spiritus, & cognoscuntur ipsis inesse per immaterialitatem, ut per causam, ut non possint non fieri hæc propositiones & hæc principia:

Omne immateriale est incorruptibile;
Item; Quicquid est expers quantitatis, illud
est indivisibile. Vel hoc modo.

In quacunq; scientia dantur propositiones immediata & prima, per quas demonstrantur conclusiones, in illæ dantur principia complexa.

Sed in Pneumatica dantur ejusmodi pro-
positiones,
E. principia complexa.

THEISIS IV.

Demonstrationes etiam indirectæ seu per impossibile hic locum obtinent, qualia sunt illa principia prima & universalissima; Quodlibet est aut non est; Impossibile est idem simul esse & non esse, &c.

Ad quæ revocari & examinari omnium scientiarum principia & veritates ex Aristotele afferit Pl. Rev. Dn. Jacobus Flachsenius.

Unde tale construi potest argumentum:

*Ad quæcunq; principia revocantur Et ex-
aminantur omnia omnium scienti-
arum principia Et veritates, illa ob-
tinent pro re nata in Pneumatica.*

Atqui ad principia prima Et communissi-
ma revocantur, Et examinantur omnia o-
mnium scientiarum principia Et veritates,

Ergo illa principia pro re nata obtinent
in pneumatica.

THEISIS V.

Quidam Spiritus in particulari hábent
principium & causam sui formaliter & proprie-
ditudinem: ita patet de Angelis sive intelligen-
tiis, & de anima rationali; sunt enim depen-
dentes Spiritus. Quidquid vero effective de-
pendet ab alio, illud habet causam in sui esse
realiter

realiter influentem & producentem; subsu-
me jam de Angelis & anima rationali E. Sed
hæc ratio partim est facilis, partim imperti-
nens, cum talia sint principia, quæ Spiritui ut
sic debent competere: Quod ad ravim usq;
ineculcatum est. Nihil debet dici de genere,
quod non verificatur de specie.

THESSIS VI.

Hisce ita præsuppositis, talem exhibemus
descriptionem principiorum ex celeberrimo
Doct: Graftio desumptam: *Principia Pneu-
matica sunt cause virtuales, seu rationes a
priori, petitæ a definitionibus aatributorum,
per quas affectiones de subjecto demonstrantur.*

TH. VII.

Analysis hujus descriptionis hæc est brevi-
sima:

I. *Principium* dicimus medium demon-
strationis, quod a Definitione petitur, siqui-
dem affectio demonstranda fluit ex essentia
subjecti in quo virtualiter later, v. g. Spiritus
affectio est simplicitas; Unde fluit hæc de-
monstranda propositio; Spiritus est simplex,
petito medio ex definitione simplicis. Sim-
plex est, quod est indivisum indivisibile. Un-
de fluit hæc demonstratio: Quicquid est in-
divisum indivisibile, illud est simplex; Atqui
Spiritus est indivisus indivisibilis E. est sim-
plex. Et hæc demonstratio a parte definitio-
nis sumitur.

2. Notandum est (ut antea innuinus) unam affectionem esse Principium alterius, v.g. Spiritus est indivisibilis, quia est immaterialis. Hinc demonstratio: Quicquid est immateriale, illud est indivisibile; Atqui Spiritus est immaterialis, E est indivisibilis. Videnties laudatum Auct. in Pneum. p. mihi 17. Taatum breviter de sectione Theoretica, sequitur Elenchica.

Q U E S T I O I.

An Pneumatica sit distincta disciplina Philosophica? Aff.

ETiam si duobus saltem in prioribus rationum momentis veritatem simplicem aperuiimus, illis tamen persuasum nobis fuit, candido Philosophantium choro quodammodo satisfieri; Ceterum ut ὁ Φαλμοφανερῶς patet assertio, contraria argumenta in medium proferre, illaq; braviter resolvete non inconveniens fore certe certius confido.

Obj. I. Inter hujus discipline oppugnatores, est non solum acuti ingenii vir Scheiblerum Watsonius, &c. qui supervacaneam puerant hanc disciplinam, & ex merito in sapientia prima (ut verbis ejus utar) tractandam. Primum quod concernit, nemodicit tam nobilem cognitionem de Spiritu infinito, de purissimis intelligentiis, deq; beatis mentibus haustam esse supervacaneam; cum causam efficientem

hicientem primā agnoscat omnis boni dato-
rem Deum, omnia sapienter creantem & atque
conservantem. Præterea novimus omne sci-
bile, quod in aliqua disciplina nec est princi-
pium, nec affectio, nec modus contrahens,
mereri peculiarem tractationem. Cum itaq;
horum de natura nihil participat Spiritus, e-
rit itaq; distinctæ tractationis: Metaphysica
etiam per tractat ens quatenus ens & non de-
scendit ad entia determinatae quidditatis. Spi-
ritus enim, qua Spiritus, non magis est sub
objecto Metaphys. quam corpus naturale, ins-
quit D. Calov. Et quamquam contendunt
eandem esse abstractionem (quæ tamen non
est sufficiens medium judicandi de distinctione
disciplinarum) non tamen conceditur, cum
illa sit secundum rationem per indifferenti-
am, hæc secundum rem & rationem.

Obj. 2. *Instant nonnulli, animam rationa-
lem pertinere ad Physicam.* Sed Resp. Di-
stinguendo inter consideratiōnem absolutam
& respectivam. Hæc ad Physicam, illa vero
ad Pneumaticam pertinet. *Spiritus infiniti
& angelorum per tractatio pertinet ad Theolo-
giā.* Resp. Verum probè observamus, a-
liud genus esse Paræneticum, & aliud dogma-
ticum, ad hoc inclinat (testante Flachsenio)
Pneumatica, ad illud Theologia.

Obj. 4. *Spiritus non potest esse commune*

genus, cum inter infinitum & finitum nulla
detur proportio. Relp. Distingvo inter con-
ceptum genericum atq; Specificum. Spiritus
enim increatus, & Spiritus creati, conveniunt
ratione genericā, vel quasi genericā, licet dif-
ferant rationibus propriis & specificis. O-
mnia enim illa a quibus abstrahitur commu-
nis conceptus, in aliquibus convenire oportet,
in aliquibus differre, docet Tombeta l. 4.
Met. Quod patet: Si enim in omnibus con-
venirent, essent plane idem, sic conceptus ab-
stractus non esset communis sed proprius il-
lis. Si etiam omnino different, ab iis non pos-
set abstrahi aliquis conceptus communis. Di-
stingendum itaq; inter essentiæ & univocati-
onis convenientiam, & analogicam attributi-
onem.

Quæst. II.

An Pneumatica habeat Principia, illaq;
a Subjecto realiter differant? Aff.
prius Neg. post.

In Sectione priori Theoretica, prolixe
satis disputatum est, evictumq; Pneumaticam
gaudere Principiis. Nunc contraria quædam
argumenta diluere allubescit. Contra prior-
rem nostram assertionem opponunt. Quic-
quid est commune cuiuslibet scientiæ subjecto,
id etiam Spiritui competit; Habere principia
& causas formales est commune cuiuslibet sci-
entiæ

entia subjecto, E. Resp. 1. Συγχωρητικῶς concedendo scientiam, si non formaliter, at tamen virtualiter principia habere, modo principia contineantur intra subjectum, causaq; fiant affectionum. 2. Ἀρνητικῶς, quod non sit necesse, ut quodlibet subj. scientificum habeat principia formalia. Siquidem materiales scientiarum, & in genere acceptae conditiones ad ultimum scientiarum conceptum, ejusq; formalem rationem non esse trahendas, monuimus antea. Est ergo, fallacia a dicto secundum quid ad dictum simpliciter.

Object. 2. Omne Verum principium & causa debet realiter esse distincta ab eo, cuius est principium: Atque principia affectionum Pneumaticarum non sunt realiter distincta ab ipsis affectionibus. E. Resp. Ad maiorem illam negando, quod omne principium debeat realiter distingui ab affectione vel subjecto. Dicitur enim aliquid demonstrari de aliquo per aliud, etiam si (per quod demonstratur, uti est causa seu medium, non distinguatur realiter ab eo, quod demonstratur, & cujus causa existit. Sic per infinitam Dei essentiam demonstro infinitam potentiam: Æternitatem per omnimodam immutabilitatem, inter quæ tamen non datur distinctio realis. Sic in ente respectu suarum affectionum principia realiter distincta non sunt, quia principium & affectio

fectio realiter ab Ente non differunt.

Obj. 3. Nihil est prius subiecto in quavis scientia, E. neque esset causa & ratio prior spiritu in pneumatica, & per consequens nulla principia. Resp. Hoc telum licet prima Species videatur acutum, cauta tamen inclinatio- ne animi in vanum cadit. Nam major non est catholicæ, si de principiis essendi, que etiam cognoscendi fundamenta sunt, e. g. cerne Physicam, ubi subiectum *corpus nat.* causas agnoscit se ipso priores. Minor etiam est invalida, nam quamvis esset subiecto nihil prius in scientia, non tamē sequitur nulla dari principia. Etenim Principia sunt & dicuntur priora, non respectu subiecti, sed affectionis cognoscendæ, ejus prioritatem sibi vendicant, & sic certo modo priora dici possunt.

Object. 4. Quaecunq; distingvuntur ut re- alitas & realitas, illa distingvuntur realiter; Atque Spiritus, principia, affectiones, distin- guntur ut realitas & realitas E. Resp. Aliud est esse aliquid reale ab alio distinctum; & aliud est addi alicui aliquid reale; Aliudq; addi aliquid reale realiter ab eo distinctum. Affectiones enim & principia unum quid sunt, sed non sunt unum attributum: Sunt unum a parte rei, cum omnia attributa Spiritus, sunt una & eadem essentia. Considerantur etiam materialiter vel formaliter, unum qui- dem

dem sunt attributa realia materialiter & a parte rei, non tamen formaliter.

QUEST. III.

Numquid etiam animæ brutorum sint
Pneumaticæ tractationis?

IN initimis naturæ thalamis & visceribus tres illa latet, utrum post resolutionem corporis fiat irrationalium formarum annihilationio; an vero sint superstites? Prior sententia multis retro seculis & auctoritate gravissimorum virorum & rationum ponderibus est inclyta. Nec altera suis fundamentis atq; ratiociniis destituta. Siquidem brutorum formæ non habent corrupti ad intra; nec ad extra; non illud quoniam ex quatuor elementis & principiis chymicis non constant, Nec hoc, cum substantiæ nihil sit contrarium. Si autem Deus voluerit atq; decreverit illas, corporis mole liberatas interire, illud mysterii est plenum. Præterea dicunt sicut ex nihilo nihil fit naturaliter, ita in nihil nihilabit. Nulla etiam substantia videtur annihilari: Sed animæ brutorum non tantum substantiæ sunt, verum etiam simplices (loquitur ex Hypothesi illorum) quomodo fiat illorum annihilationio? hæc profecto non sunt de nihilo. Verum cum scientia requirat animalia ἀμετίθετον οὐκ ἀμετακίνητον, & hæc rationes tantum sunt probabiles, ideoq; tuto animas

animasbrutorum ad objectum Pneumaticæ re-
ferre non licet. Huc etiam facit quod Spiritus
subjectum Pneumaticæ, sit immaterialis, im-
mortalis, intelligenti & volendi facultate,
alijsq; attributis gaudens: Quæ animis bru-
torum adscribere esset ἀτόπων ἀτοπάτον.
Tantum de Qvæstionsbus sequitur sexto A-
xiomatica.

Axioma I.

Pneumatica est scientia proprie dicta.

Axioma II.

Spiritus ut Spiritus non habet princi-
pia formaliter dicta.

Axioma III.

Propositiones pneumaticæ sunt κατὰ
ταῦτα; patet; nam omnis Spiritus est
simplex, est immortalis &c.

Axioma IV.

Propositiones etiam Pneumaticæ
sunt καὶ τὸ άντι; illud dispalescit, ut
pote ubi prædicatum est adjunctum sub-
jecti Spiritus, cum quo ita simplicitas
& immortalitas identificari possunt, ut
licet non ingrediantur definitionem
Spiritus, tamen de eodem prædicentur
extraessentialiter in modo secundo per
se tali,

se tali, ita tamen, ut prædicatum sola ratione distinguitur a subjecto.

Axioma. V.

Sunt etiam καὶ ὁλωργῶτες propositiones pneumaticæ. Nam prædicatum convenit subjecto primo, omni, per se & quatenus ipsum, nec non reciprocè. Plura vide apud Doct. Graftium. Ulteriorius progreedi vetat plenum hoc festinationis negotium; claudam itaq; cum B. Sperlingio:

Accipe L. Candide e Candido & veri cupido quod prognatum pectore. Veritas noster amor, cuius gratia scriptum, si idquid scriptum. Novitas si te offendit, veritas defendit. Brevis si minus ad palatum: cogita brevem veritatem & veram brevitatem suavissimum mentis pabulum.

Gloria sit patri, sit Nato Glorio
Sancto,

Gloria Spiritui, Triadi sit Gloriam
Sacra!



Ad
Eruditione & moribus condecoratis.
mum Dn. Candidatum Philosophia,
MAGNUM NICANDRUM,
Amorem meum & amicum, ut ha-
ctenus commilitonem, dilectis-
simum:

MAGNUS NICANDER

per anagramma.
CANDEN' M̄I GNARUS?

Nonne mihi candes m̄i candid
MAGNE NICANDER,
Qui es GNARUS studiis & pictat
probus.

L. Mg

ENEVALD. SVEI P
Q.G.A.S.S.Th. Doct.
bodic Acad. RECTOR.

Ad VIRUM. JUVENEM,
Literarum Morumq; decore pereximium,,
Dn. MAGNUM NICANDRUM,
Philosophiae Candidatum omnino stre-
nuum, Amicum & Commilitonem
apprime dilectum:

per Annagrammas:

MANU NEC GRANDIS.

Grandia permulti conantur, futilibus
sed

Et levibus scriptis; sic sua cuiq; placent.
Ait delectaris tu non vulgaribus ausis:

Ardua molitis cœpta, **MANU** validâ.
NEC cunctis talis Naturâ copia fandi
Est data quæ tibimet ; **GRANDIS** eris
meritò,

Præcipue Patrias salvus cum legeris oras,
In qvibus acqvires tu decus eximium,
Pro studiis verò præsentia Numinis Va-
tum,,

Ti clarum nomen, præmia justa da-
bunt.

*Ut ut impeditior, L. tn. Mg;
scripsit*

S I M O N Zålpo
Met. & Log. Prof. Ord.

Peregrinie ac Præstantissime
Dn. MAGNE NICANDER,
Philosophia Candidate meretissime;
Fautor & amice plurimum ho-
norande.

Haud minus verè quam concinè dixit
Græcorum, quondam Orator: μήτε τέ κακ-
λὰ χαβεῖα: Aureum sanè dictum, à quovis
senioris Literaturæ cordatis cultoribus seriò imi-
nandum, ne absterrantur talibus molestis li-
teris dicati; Sic enim Natura pulcherrimas
rosas inter asperrimas spinas crescere fecit, ut
doceres semper per angusta ad augusta esse
pertinentandum. Ita nosser, virtute & Lite-
ris Peregrinius Dn. Candidatus respondens,
haud minimis cum impedimentis & molestis
spinosam Musarum viam felici, invictoq; cul-
cavit animo. Nam ergo felicissime triumphans,
metam propositam cum laude occupat: Hono-
ribus scilicet in Philosophia summis, Gradu, in
quam, Magisterii, jam merito jureq; tuo initi-
aris & insigniris (mibi per quam dilecte) MA-
GNUS NICANDER; quo circa, ut meum est,
ex animo, tibi gratulor Deum opimum Ma-
ximum supplex orans ut faustum hoc felixq;
esse perpetim jubeat. Reg. Al.

CLAUDIUS G: ALANUS.